

M108M: Herzog Ernst A (M)

- 0,1 –[...] hoffete er dô .
0,2 den er solte bestên .
0,3 dô en [beit] er niwit mêr .
0,4 den vanen nam er selbe .
0,5 dô wîsete er die snellen .
0,6 an die grîpinischen manne .
0,7 die quâmen in mit nîde an .
0,8 mit maniger schare mehtic .
0,9 dô wart ein sturm kreftic .
0,10 an deme velde erhaben .
0,11 des nam maniger den schaden .
0,12 der sîn nie en genôz .
0,13 daz here daz was vile grôz .
0,14 der grîpinischen hêrren .
0,15 des gewan der herzoge manigen [sêren] .
0,16 –[...] sich gescheiden .
0,17 alumbe sie . –[...]
0,18 –[...] vile harte .
0,19 wie wole sie bewarten .
0,20 daz ir decheiner wære dâ .
0,21 der in quam [sô] nâhe .
0,22 den enelenden recken .
0,23 daz [sie] in mit den ecken .
0,24 mohten erlangen .
0,25 mit zorne bevangen .
0,26 was der herzoge hêre .
0,27 sîn muot qual ime sêre .
0,28 zuo den lîbe was ime unwerde .
0,29 daz sie ime an der erden .
0,30 wolten strîtes niet gestaten .
0,31 daz er si es mohte gesaten .
0,32 oder ir decheinen erreichen .
0,33 dô huop er ûf daz zeichen .
0,34 der hêrre [mit] –
0,35 –[...] zwîvel .
0,36 alle mit einem muote .
0,37 in hette got der guote .
0,38 den gedanc gesant in sînen muot .

0,39 iz dûhte sie allesament guot .
0,40 sie wolten ime gerne volgen .
0,41 dô giengen die gotes holden .
0,42 after den kielen .
0,43 sie vuntten harte schiere .
0,44 grôze merrindere hiute vile .
0,45 ze wâre ich iuch daz sagen wile .
0,46 des wurden die heleda vile vrô .
0,47 zuo ire schiffe truogen sie sie dô .
0,48 unde schuofen sie nâch ire willen .
0,49 dô nâmen die snellen .
0,50 eine michele hût .
0,51 dâ sniten sie die [riemen] [ûz] .
0,52 –[...] sîn .
0,53 der sich [besiuwet] in der hût .
0,54 dô sprach der græve überlût .
0,55 “daz sal der herzoge unde ich .
0,56 besiuwet in unde mich .
0,57 in disen hiuten beiden .
0,58 ich en wile mich niemer gescheiden .
0,59 von ime lebentic noch tô .
0,60 ich [wile] angest unde nô .
0,61 samet ime lîden .
0,62 kumet er ûz mit deme lîbe .
0,63 sô weiz ich wie iz uns ergât .
0,64 entweder unser wirdet rât .
0,65 oder wir verliesen sament unser leben .”
0,66 sprach der tiurlîche degen .
0,67 ich sagen iuch wærlîche .
0,68 –[...]